

ՏԵՂԵԿԱՏՎԱԿԱՆ ՄԻՋԱՎԱՅՐԻ ՓՈԽԱԿԵՐՊՈՒՄՆԵՐԸ ԵՎ ՀԱՅԱՍՏԱՆՅԱՆ  
ՄԱՄՈՒԻ ՀԻՄԱՆՆԴԻՐՆԵՐԸ ՂԱՐԱԲԱԴՅԱՆ ՇԱՐԺՄԱՆ ՀԱՄԱՏԵՔՍՈՒՄ  
(1988-1991թ.)<sup>\*</sup>  
Անա Մկրտիչյան

Բանալի բառեր՝ տեղեկատվություն, տեղեկատվական անվտանգություն, տեղեկատվական միջավայր, Վստահության ճգնաժամ, հայաստանյան մամուլ, դարաբադյան շարժում, հասարակական կարծիք, խորհրդային ապատեղեկատվություն:

Հասարակության առանցքային բնութագրերից մեկը տեղեկատվության փոխանակումն է նրա առանձին տարրերի միջև՝ դրանց գործունեության ապահովման նպատակով: *Տեղեկատվության ծեռքբերման և տարածման միջոցները, արդյունքում ծևավորվող կազմերը կազմում են հասարակության տեղեկատվական-հաղորդակցական համակարգը:* Եվ որպեսզի այդ համակարգը գործի լիարժեք և ամրողական, անհրաժեշտություն է առաջանում տեղեկատվության տարածումը դարձնել անխափան, մասնագիտական առումով՝ նաև օպերատիվ: Ասվածն առավել կարևորություն է ստանում հատկապես պետության համար անկայուն իրավիճակում, հատկապես՝ պատերազմական: Ի վերջո, տեղեկատվության տարածումը հանգեցնում է նաև հասարակական կյանքի տարրեր ոլորտների՝ քաղաքական, սոցիալական, մշակութային, վերակազմակերպմանը: Այդ առումով դարաբադյան շարժումը, իետո նաև հայ-ադրբեջանական հակամարտությունն ու դարաբադյան պատերազմը մասնագիտական լուրջ մարտահրավերների առաջ կանգնեցրին հայաստանյան տեղեկատվական միջավայրը՝ մասունք ու ՁԱՄ ներկայացուցիչներին: Խնդիրներն անխուսակելի էին, ընդ որում թե՛ բովանդակային, թե՛ տեխնիկական առումներով, որոնց լուծմամբ էին պայմանավորված տեղեկատվության տարածման, ապա նաև ներազման հնարավորությունները:

Տեղեկատվության ծեռքբերման, առավել ևս տարածման ազատությունը խիստ սահմանափակված էր՝ պայմանավորված ծանր ու դժվար ժամանակաշրջանով: Դեռ բավական մեծ էին տեղեկատվության վերահսկելիության հնարավորությունները, քանի որ քաղաքական իշխանությունը տեղեկատվական ոլորտում տիրապետում էր բացառիկ իրավունքների: Նպատակը կանխել հասարակության հիմնարար արժեքների համար վնասակար տեղեկատվության տարածման, հասարակական գիտակցության մանիպուլյացիաների վտանգը և միջոցներ ծեռնարկել տեղեկատվական տարածությունից եկող ռիսկերի (ներքին և արտաքին) դիմագրավման համար: Մի կողմից առաջ էր գալիս տեղեկատվական անվտանգության ապահովման խնդիր, որն անհրաժեշտ էր տեղեկատվական հասարակությունում գործունեություն ծավալող ցանկացած սուբյեկտի (լինի դա պետություն, կազմակերպություն, թե անհատ) կենսագործունեության համար, մյուս կողմից պատերազմական իրավիճակում ապրող հասարակությունը սպասում էր տեղեկատվության օպերատիվ, օբյեկտիվ, բազմակողմանի:

Պատերազմական իրավիճակում տեղեկատվության ծեռքբերման և տարածման հարցում չափազանց մեծ կարևորություն է ստանում տեղեկատվական անվտանգության դերը: Խսկ տեղեկատվական անվտանգություն հասկացության պարզաբանման համար անհրաժեշտ է դիտարկել «տեղեկատվություն» և «անվտանգություն» հասկացությունները:

\*Հոդվածն ընդունվել է 24.02.18:

Հոդվածը տպագրության է երաշխավորել բ.գ.թ., դոցենտ, Ն.Մարտիրոսյանը:

## ՄԵՄՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2018

«Տեղեկատվություն» (ինֆորմացիա) հասկացությունը (լատ. *informatio, informatio-* միտքը ձևակերպել, կարգավորել, տպկրեցնել) օգտագործվում է տարբեր իմաստներով: Ընդհանուր առմամբ այն տվյալների ամբողջություն է շրջակա միջավայրի, անձանց, իրադարձությունների, փաստերի մասին, որը փոխանցվում է մարդու և բնության, մարդկանց, մատերիայի փոխագեցության միջոցով: Ըստ ամերիկյան հայտնի մաթեմատիկոս և փիլիսոփա Նորբերտ Վիների՝ «տեղեկատվությունը նշանակում է այն բովանդակությունը, որը ստացվում է արտաքին աշխարհից մեր և մեր զգայարանների հարմարողականության արդյունքում» [1]:

Տեղեկատվական անվտանգության պարզաբանման համար կարևորվում է ոչ միայն տեղեկատվություն հասկացության, այլև «ապատեղեկատվության» մեկնաբանությունը: Ապատեղեկատվությանը բնորոշ են տեղեկատվության բոլոր հատկանիշները բացառությամբ իմաստի, էության: Ապատեղեկատվությունը պարունակում է կեղծ և աղավաղված տվյալներ առարկաների և երևույթների մասին: Դրա տարածումը և ստացումը ստեղծում է աղավաղված պատկերացում իրերի և երևույթների, նրանց որակական և քանակական բնութագրիչների մասին՝ հանգեցնելով մոլորության և սխալ որոշումների կայացմանը[2]:

«Անվտանգություն» հասկացությունը մեկնաբանվում է որպես անհատի, հասարակության, պետության, կազմակերպության, ծերնարկության կենսական շահերի պաշտպանվածություն հնարավոր կամ գոյություն ունեցող սպառնալիքներից կամ այդպիսի սպառնալիքների բացակայությունը: Ըստ էության անվտանգությունը համապատասխան օբյեկտի այնպիսի վիճակն է, երբ բացակայում են տվյալ օբյեկտին ուղղված սպառնալիքները կամ դրանք չեղորդացվել են նպատակառուղված գործունեության միջոցով: Ինչպես նշում է տեղեկատվական անվտանգության և ինֆորմատիկայի մասնագետ Բրյուս Շայները, անվտանգությունը արդյունք չէ, այլ գործընթաց[3]:

Տեղեկատվական ոլորտը, ի տարբերություն հասարակական կյանքի այլ ոլորտների, բնութագրվում է ազդեցությունների ինտենսիվությամբ և դիմամիկությամբ, արագ կատարվող փոփոխություններով, ինչը պահանջում է տեղեկատվական տարածությունում գործունեություն ծավալող սուբյեկտների հարմարողական հնարավորությունների բարձրացում և ծևավորվող նոր պայմաններին հարմարվելու կարողություն:

Տեղեկատվական անվտանգությունը տեղեկատվության գաղտնիության, ամբողջականության և հասանելիության ապահովման գործընթացն է: Տեղեկատվական անվտանգությունը կազմում է պետական անվտանգության բաղկացուցիչ մասը և համեմատ կալիս որպես հասարակության համայիր անվտանգության ապահովման անհրաժեշտ տարրը: Սակայն այս հասկացությունը, կախված օգտագործման ոլորտից և ընդգրկված հարցերի շրջանակից, ինչպես նաև ցուցաբերվող մեթոդով գիտական մուտեցումներից դեռևս չունի հստակ մեկնաբանություններ: «ՀՀ տեղեկատվական անվտանգությունը հանրապետության ազգային շահերի պաշտպանվածությունն է տեղեկատվական ոլորտում՝ փոխկապակցված անձի, հասարակության և պետության հավասարակշռված շահերի ընդհանրության հետո»: Իսկ տեղեկատվական ոլորտը բնութագրվում է որպես «տեղեկատվություն հակարող, ծևավորող, տարածող և օգտագործող սուբյեկտների, տեղեկատվության և տեղեկատվական ենթահամակարգերի ամբողջություն, ինչպես նաև այդ գործընթացների ընթացքում առաջացող հասարակական հարաբերությունների կարգավորման համակարգ»[4]: Փաստորեն շեշտը դրվում է պետության, հասարակության և քաղաքացիների շահերի համակցված պաշտպանության վրա:

## ՄԵԽՐՈԴ ՄԱՀՏՈՅ ՀԱՍԱՏԱՐԱՆԻ ԼՐԱՏՈՒ 2018

Դարաբաղյան շարժման տարիներին տեղի էին ունենում պատմական փոփոխություններ, առաջանում էր անորոշության և անկայունության վիճակ, որի պայմաններում անվտանգության ավանդական համակարգերը այլևս արդյունավետ չէին: Ստեղծվում էին բոլորովին նոր պայմաններ տեղեկատվական անվտանգության դրակական փոփոխությունների համար:

1988-1991թ. հայաստանյան մամուլի հրապարակումների ուսումնասիրությունը թույլ է տալիս վեր հանել այն բազմաթիվ մտահոգությունները, որոնք առկա էին տեղեկատվական միջավայրում և հենց մամուլի գործունեության մեջ: Դրանցից ամենաակնառուներն էին՝

- Մամուլի հիմարակիեցնող գործունեությամբ պայմանավորված մամուլի հանեավ կստահության զգնաժամ,

- Մամուլի գործունեության խոչընդոտմները՝ լրագրային թղթի պաշարների սպառումից մինչև տպագրական խնդիրներ ու պարբերականներն ընթերցողներին հասցնելու դժվարություններ,

- Հասարակական կարծիքի ձևավորում՝ ոչ ամբողջական լրատվության ազդեցության պայմաններում,

- Խորհրդային ապատեղեկատվության տարածումից մինչև ազատ մամուլի ստեղծման դժվարություններ:

Ոչ ամբողջական տեղեկատվություն հաղորդող, հաճախ նաև լրություն պահպանող մամուլը դարաբաղյան շարժման սկզբնական շրջանում չէր հրականացնում իրեն վերապահված գործառույթները՝ այդ կերպ ձևավորելով կստահության զգնաժամի միջնորդությունը: Մամուլի հիմարակիեցնող գործունեությանը ժամանակի ընթացքում գումարվում էին նաև տպագրական բազմաթիվ խնդիրները, տարածման դժվարությունները:

Ազգային ինքնության գիտակցումով ուժի ելած ժողովուրդը իր հասարակական-քաղաքական գգուշավոր կեցվածքում հեղափոխական քայլեր էր անում, միաժամանակ փորձելով արնատական բարեփոխումներ կատարել կենսագործունեության գորեթե բոլոր ասպարեզներում: Դրանց շարքում, սակայն, մամուլը թերևս ամենապասիվ դերում էր, որն արծագանքում էր հայոց պատմական հայրենիքում՝ Արցախում կատարվող իրադարձություններին բացառապես հաղորդագրությունների տեսքով: 1988-ի փետրվարին տեղի ունեցած բազմահազարանոց ցույցերը պատկերող լուսանկար մեր ուսումնասիրությունների ընթացքում այդպես էլ չգտանք խորհրդահայ մամուլի այդ օրերի էջերում: Դեպքերի բուռն զարգացումների համատեքստում այդ օրերի հայրենական մամուլի կրավորական դիրքն ու լրությունը զարմանք էր պատճառում նոյնիսկ մոսկովյան մամուլին: «Եթե փետրվար և մարտ ամիսների թերթերին նայենք, կարելի է եզրակացնել, որ ամենից խաղաղ ժամանակը փետրվարի վերջն էր... Ավելին՝ ... հայկական մամուլը հետ է մնում, նոյնիսկ ավելի, քան վերակառուցումից առաջ: Սուր և համարձակ հոդվածները թիւ են, պատճառները... շատ» [5], չնայած եղել են դեպքեր, երբ «թղթակիցները եկել են հրաժեշտ տալու. «Գնում ենք, ավելի լավ է ոչինչ չգրենք, այդպես ավելի ազմիկ կլինի» [6]:

Մամուլի զգնաժամային վիճակը բացահայտ քննադատում էր «Անկախություն»-ը՝ ընդգծելով, որ «Խորհրդային Հայաստանի լրատվական միջոցները տնօրինում է Կրեմլը: Ոչ մի լուր ու հոդված... չի տպագրվում կամ հաղորդվում առանց Կրեմլի համապատասխան պաշտոնյաների թույլտվության: Լրատվամիջոցների համար արգելված են ՏԱՍՏ-ի որոշ հաղորդագրությունները կամ այդ հաղորդագրությունների որոշ հատվածները» [7]: Ասվածին իրեն ապացույց՝ «Անկախություն»-ը գրեց, թե ինչպես էր

## ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

խորհրդային քարոզությունը բողոքի ալիքը հանդարտեցնելու նպատակով դիմում տարրեր հնարքների: Մարտի 6-ին Մոսկվայից ստացվել էր ՏԱՍՏ-ի հաղորդումը, որը գարնանը է պատճառել իր բարյացակամ երանգով: Լրատվական գործակալության թղթակիցը, մեկնարանելով Ղարաբաղում և խորհրդային Հայաստանում տեղի ունեցած իրադարձությունները, նշել էր, որ այդ պայքարն արդարացի է, և ժամանակն է շտկել Ստալինի սիսալները: Լուրջ տարածվել էր մայրաքաղաքում, բայց խարեւությունն արագ բացահայտվեց: Բանն այն էր, որ հեռագիրը ստացվել էր խիստ հրահանգով՝ «Միմիայն Սկյուռքի համար»[8]: Ի դեպ՝ նման մի հետաքրքրական խոստովանություն արել էր նաև «Սովետական Ղարաբաղ»-ը[9], ըստ որի՝ «թերթի 44-ից 46-րդ համարները տպագրվել են ոչ թե Ստեփանակերսում, այլ Բաքվում»[10]:

Այդ ժամանակաշրջանում, առավել քան երբէ ընթերցողները սպասում էին տեղեկատվության ու հետևում էին մամուլի հրապարակումներին՝ միաժամանակ գիտակցելով, որ թերթերը դարձել էին ապատեղեկատվություն տարածող ու իրականության շիմքու պատկեր ստեղծող օրգաններ: Պատահական չէ, որ «մարտի 20-ին մոտ երեք հազար ցուցարարներ, հանրապետությունում լուս տեսնող լրագրերը ձեռքներին, հավաքվեցին Սամովի տան մոտ և ի նշան բողոքի՝ լրագրերը թափեցին գետնին և վանկարկեցին՝ ամոք: Հետո բոլորը շարժվեցին դեպի Ռադիոսուն, որտեղ կայացավ համրաժողովը: Բողոքի այդ ցույցն ուղղված էր Հայաստանի ու ՍՍՀՄ մամուլի ու հեռուստատեսության դեմ, որոնք ոչ մի ճշգրիտ տեղեկություն չեն հաղորդում... Ոչ մի լուր չեն տալիս մեկ ամսից ավելի հայության կյանքը փորորկող իրադարձությունների մասին»[11]:

ԼՂԻՄ-ից, Հայաստանից և Աղրբեջանից տեղեկություններ հաղորդող կենտրոնական և հանրապետական թերթերի թղթակիցները հաճախ էին լսում ընթերցողների դժգոհությունները, թե «Սամովին չենք հավատում, դուք ճշմարտությունը չեք գրում»[12]: Պատահական չէ, որ ընթերցողներն իրենց ցասումը խորհրդային զանգվածային լրատվամիջոցների հակահայկականության դեմ ժամանակ առ ժամանակ արտահայտում էին բողոքի տարրեր միջոցառումներով, որի ընթացքում հնչում էին իրենց մտահոգությունները մամուլի լրատվական քաղաքականության վերաբերյալ. «Օպերայի հիմնական մուտքի վերնամասում հայտնվեց այժմ մի մեծ գծանկար, այժը «Մաա~մով» էր մայում»[13] կամ «...Միությունում հարյուր հազարավոր թերթեր ու ամսագրեր են լուս տեսնում. Կարելի է, օրինակի համար, միայն «Պրավդա»-ն լուս ընծայել, իսկ մյուս թերթերն էլ գրեն՝ «տես «Պրավդան»[14] կամ «հեռուստատեսությունը և նաև մուս լրատվամիջոցները Արցախի մասին չեն ուզում խոսել»[15] կամ «...Այդ բան ենք տեսնում մեր աչքով, նոյն օրը Մոսկվայից հեռուստատեսությամբ լրիվ այլ բան ենք լսում և տեսնում...»[16]:

Լրատվամիջոցների և լրագրողների անկատար աշխատանքի մասին խոսեց նաև Հայաստանի Կոմկուսի ԿԿ առաջին քարտուղար Ս. Հարությունյանը՝ նշելով, որ «ժամանակը մեզ վրա դնում է պատմական պատասխանատվություն, և վերջին ամիսների իրադարձությունները ի հայտ բերեցին մի շարք լուրջ թերթություններ նաև մասսայական ինֆորմացիայի աշխատանքում, ցույց տվեցին անսովոր պայմաններում նրանց անպատրաստությունը...»[17]:

Անսալով իրենց ընթերցողների ծայնին, ովքեր ասում էին, թե «Թերթերը գրեթե ոչինչ ճիշտ ու ժամանակին չեն գրում», «Հոգնել ենք՝ պատուհանից տեսնում ենք ցուցարարների բազմահազարանց շարքերը, իսկ թերթերից պարզվում է, որ պետք չէ աչքերին հավատալ, ամեն ինչ հանգիստ է ու խաղաղ»[18], մամուլը ժամանակի ընթացքում փորձում էր վերանայել իր լրատվական քաղաքականությունը՝ տպագրելով

## ՄԵՄՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2018

լուրեր ու լուսանկարներ Մատենադարանի հարթակից և Ստեփանակերտի հրապարակից[19]:

Սամուզը գիտակցում էր իր չիրագործած պարտավորությունը և խոստովանում, որ «Մեր հասարակության մասին ի՞նչ կասի զայիք ժամանակների պատմաբանը, երբ պրապումներ կատարելով 1988-ի թերթերի կույտերի մեջ, զարմանքով հայտնաբերի, որ Սումգայիթում տեղի ունեցածի առթիվ ցավակցության ու վրդովմունքի նամակներ կարելի է միայն անձնական արխիվներում գտնել: Ի՞նչ կասի այդ պատմաբանը, երբ իմանա, որ Սումգայիթից փախած հայերը, իրենք աղքատ դարձած, փող են փոխանցել Արգամասի երկարուղային աղետոր վերապրած մարդկանց համար, բայց որևէ մեկ թերթում գուր կիմսորի սումգայիթցիների օգնության ֆոնի մասին հիշատակում»[20]: Ստեղծված մտահոգիչ վիճակի մասին հայաստանյան մամուլը գրում էր. «Մամուզը ոչ թե թաքնում էր, այլ կեղծ լուսով էր մերկայացնում: Նա ոչինչ չէր ասում տեղական իշխանության թողտովայան, երբենն էլ հրահրիչ դիրքորոշման մասին: Նա Սումգայիթը Սումգայիթ չանվանեց: Բռնությունն ու սպանությունը երկշուտովայամբ անվանում էին խովհանական գործողություններ: Եթե իրերը սկզբից իրենց անունով կոչվեին, ապա հնարավոր է, որ հրահրածություններն այջասի ողբեզական բնույթ չստանային»[21]: Միութենական և կենտրոնական մամուլի՝ ԼՂ-ի հիմնախնդրի խեղաթյուրված ու պիտի լուսաբանումը և մեկնարանումը մտահոգում էր նաև ԵՊՀ-ի բազմահազարանոց կոլեկտիվին, պետք էր «վերջ տալ մամուլի այդ հակասական ելույթներին»[22]: Ի դեպ, Սահմանակի երկրաշարժից ընդամենը մի քանի օր անց (դեկտեմբերի 13) ԽՍՀ Նախարարների խորհրդորդ քննարկեց գրաքննությունը խստացնելու հարցը ու որոշում ընդունեց «խստագույն գրաքննության ենթարկել մամուլով ու եթերով հրապարակվող բոլոր նյութերը, իսկ այս դեպքում, երբ անհնար է գրաքննության մերկայացնել, համապատասխան հրատարակությունը դադարեցնել»[23]:

Սամուզի հիապափեցնող գործունեությանը գումարվում էին նաև այն խոչընդոտները, որոնք դժվարացնում էին թերթերի տպագրությունն ու տպարածումը: Հայաստանի շրջափակման պատճառով (խոսքը Աղրեջամի կողմից ավտոմոբիլային ճանապարհների և երկարուղիների շրջափակման մասին է) ու տնտեսական ծանր հրավիճակից ենելով՝ լիովին սպառվեցին պահեստավորված լրագրային թղթի պաշարները, որի պատճառով լուս չէին տեսնում որոշ թերթեր կամ էլ տպագրվում էին ամվանոն: Բացի այդ՝ «քենազին չինելու պատճառով մամուլը և փոստային առաքումները տեղ չէին հասնում»[24]: Տեղական մամուզը տպագրվում էր գրքի համար նախատեսված թղթի վրա[25]: Այսպես. «Խորհրդային Հայաստան»-ը սկսեց լուս տեսնելու շաբաթը ոչ թե 6, այլ 5 անգամ, «Երեկոյան Երևան»-ը՝ 3, «Ավանգարդը» և ևս մի քանի թերթ՝ 1-ական անգամ[26]: Կրծատվեց թերթերի լուս ընծայման պարբերականությունը, բայց չնվազեց հշխանությունների կողմից թերթերի հանդեպ կիրառվող ճնշումը: «Խորհրդային Դարաբաղ» թերթի խմբագրի տեղակալին հոդվածի համար 30 օրով կալանավորեցին, հայտնի չէր գտնվելու վայրը, բողոքի ծայման միացավ «Երեկոյան Երևան»-ը [27]: Որ «Խորհրդային Դարաբաղ»-ը հայածանքների էր ենթարկվում, թերթը գրում էր շարունակարար՝ սատարելով խմբագրի Ս. Հովհաննիսյանին[28]:

Ըստ էության՝ արցախահայությունը ծանր օրեր էր ապրում, բայց միաժամանակ շարժումը մեծ թափով զարգանում էր, զուգահեռաբար ճաքեր էր տալիս խորհրդային կայսրությունը, բնականաբար նաև ճանապարհ բացելով մամուլի նոր անունների համար:

1990-ի գարնանը սկսվեց մամուլի վերածննդի նոր փուլ, որի բնորոշ հատկանիշն այն էր, որ սկսեց փոխվել պաշտոնական մամուլի դեմքը: Գործընթացը երկու ուղղվա-

## ՄԵՄՐՈԴ ՄԱՆՏՈՅ ՀԱՍԱՍՏԱՐԱՆԻ ԼՐԱՏՈՒ 2018

ծովայուն ունեցավ՝ արմատական և վերանորոգչական: Արմատական գործընթացի արդյունքում սկսեցին երևան զալ նոր տիպի պաշտոնական պարբերականներ՝ «Գործը», «Անդրադարձը», «Սունետիկը»[29], «Ուրբաթը», «Ազատ գոտին»: Վերանորոգչականի նպատակն էր, դեմոկրատական հանդերձանք հաջողնելով, փրկել իին (այստեղ կարդալ հնացած) մամուլը: Այսպես Կոմսոմոլեցը դարձավ «Էպոխա», «Կոմունիստը»՝ «Գղու Արմենիի», «Խորհրդային Հայաստանը»՝ «Հայաստան»...: Մամուլի ինքնամաքրման այս գործընթացը սպասելի մի հետևանքի բերեց. զնթերցողը ընտրություն կատարելու հնարավորություն ստացավ... Ակսվեց պայքար ընթերցողի համար: Մամուլը ծնունդ էր առնում նաև շրջաններում[30]:

Աշխատանքային խնդիրների՝ արգելքների և սահմանափակումների մասին բացահայտ խոսեցին հայաստանյան պարբերականների խմբագիրները՝ նշելով, որ «Արգելքները շատ էին և դեռ կան»[31]: «Ոզնի»-ն վերջին ինը տարվա ընթացքում ինը նկատողություն էր ստացել, «Ճշմարտությունը ժամանակից շուտ ասելու համար», իսկ ըստ «Գարուն» ամսագրի գլխավոր խմբագրի՝ վերջին շրջանում մամուլը ըստ էության գտնվում էր թույլատրված ազատության մեջ, «տիրախոչակ գլավիլտն էլ չի գործում»: Որ արգելքները նկատելի հորեն նվազել էին, խոստվանեցին նաև «Ավանգարդ» և «Երեկոյան Երևան»[32] թերթերի գլխավոր խմբագիրները:

Մամուլը մեծ հույսեր էր կապում նաև այդ օրերին (օգոստոսի 1, 1990թ.) ուժի մեջ մտած «Մամուլի և մասսայական ինֆորմացիայի ուրիշ միջոցների մասին» օրենքի հետ, որի համար ըստ էության «Լրագրողները երկար պայքարեցին՝ ծգտելով հասնել խոսքի իսկական ազատության և արդարության: Արդյո՞ք նրանց հույսերն արադարացվում են»[33]: Կասկածամտության գլխավոր պատճառներից մեկն էլ այն էր, որ 1980-ականների վերջին և նոյնիսկ 1990-ականների սկզբին հոգեվարդ ապրող խորհրդային գաղափարախոսությունը մամուլին ազատ, անկաշկանդ ու ժամանակին գրելու լիարժեք հնարավորություն չէր տալիս:

Ստեղծված իրավիճակում, ի թիվս այլ հարցերի, որոշվեց «ապահովել մամուլի ազատությունը»[34], որն ամրագրվեց Հայկական ԽՍՀ Գլու-ն օգոստոսի 23-ին ընդունած Հայաստանի անկախության մասին հրչակագրում: Իր խարիսած դիրքերը վերջնականապես չկորցնելու համար ՀԿԿ-ն փորձեց ժամանակի պահանջներին հարմարվել: «Խորհրդային Հայաստան» պաշտոնաթերթը դեռ 1990-ի սկզբին աստիճանաբար մուտքագրվեց տեղեկատվական ոլորտում ժողովրդական զանգվածների պահանջների բավարարությին («Խորհրդային Հայաստան» թերթը 1990թ. օգոստոսի 25-ից դարձավ «Հայաստան»՝ իրեն Հայաստանի Կոմկուսի Կենտրոնի պաշտոնաթերթը): Ակտեցին տպագրվել ԽՀ-ի հայտնի գիտնականների և մտավորականների հոգվածները՝ Արցախի պատմության, արցախահայության պահանջատիրության արդարացիության և ընդհանրապես Հայկական հարցի մասին: Հրապարակվեցին նաև Հայաստանի առաջին հանրապետության և ՀՅԴ պատմության մասին նյութեր, որոնք ամբողջ 70 տարի խստորեն արգելված էին: Թերթին աջակցեցին հրապարակախոսներ, մտավորականներ (Պ. Զեյթունյան, Վ. Ղավթյան, Ս. Սարգսյան, Հ. Միննյան, Ս. Պողոսյան)՝ տպագրելով իրենց հոդվածաշարերը[35]:

Քաղաքական իրավիճակով և նոր խոսք ասելու անհրաժեշտությամբ էր թերևս պայմանավորված այն համգամանքը, որ հայաստանյան մամուլի ընտանիքը շարունակ համարվում էր նոր անուններով: Հոկտեմբերի 9-ից լույս տեսավ Հայաստանի Գլուհասարական-քաղաքական Երկիցու օրաթերթը՝ «Հայաստանի Հանրապետությունը»: Առաջին համարը մեծ մասամբ նվիրված էր դարարաւյան շարժմանը, նրա ակունքներին, փուլերին, ներկայացվեց իրադարձությունների ժամանակագրությու-

## ՄԵՍՐՈՒԹ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2018

նը[36]: «Ենց առաջին համարից էլ նկատելի էին բովանդակային ու արտաքին ձևավորման էական տարրերություններ, որոնք արտահայտվում էին նյութերի թեմատիկ և կառուցվածքային բազմազանությամբ, լուսանկարների առատությամբ, համապատասխան մակագրություններով։ Այդուհանդերձ, մամուլի հանդեպ հասարակության վստահությունն անկում էր ապրում, ինչն արտահայտվում էր առաջին հերթին բաժանորդագործյունների («ՀՀ», «Ավանգարդ», «Գրական թերթ», «Կանչ») կողուկ նվազմամբ[37]։

Սակայն 1990 թվականի մամուլի քննությունը փաստում է, որ չնայած ստեղծված դժվարությունների՝ Կոմկուսը այդ տարի հանդուրժեց ազատ, այլընտրանքային պարբերական մամուլի տպագրությունն իրենց տպարաններում։ Ավելին՝ այդ ոչ պաշտոնական մամուլը հասարակությունը կազմակերպելու և ուղղորդելու հզոր գենք ծեռք բերեց։ Հայտնվեցին մի քանի տասնյակ նոր անուններ, որոնք բոլոր ցուցանիշներով առաջ անցան Կոմկուսի տնօրինության տակ մնացած մամուլից։ «Սոյուզպեչատ»-ի տվյալներով՝ «1990թ.-ի դրությամբ մեզանում լույս են տեսնում 29 անուն թերթեր (նախորդ տարի՝ 18) և 61 անուն ամսագրեր (նախորդ տարի՝ 52)։ Բայց սրանք վերջնական թվերը չեն, քանի որ օրեցօր ավելանում է դրանց քանակը, նոր թերթեր են լույս աշխարհ գալիս...»[38]։ Բացի այդ՝ 1990-ին «ի թիվս շատ իրողությունների հրաժեշտ տրվեց թերթի «Սոյւզտական Հայաստան», «Կոմունիստ», «Պիոներ Կանչ», «Կոմսոմոլց» անվանումներին»։ Ի վերջո, «Հայ մամուլը, գոնե հայաստանյան մամուլը նոր վերելքի մեջ է։ Փաստորեն ամեն շաբաթ, եթե չասենք ամեն օր, մի պարբերականի ծնունդով է նշանավորվում։ Օրինակ՝ 1990թ. հոկտեմբերի 1-ից սկսեց լույս տեսնել «Գեղարվեստը», 3-ից՝ «Գործարար աշխարհը», 9-ից՝ «ՀՀ-ն», 15-ից՝ «Հայկագունքը», 17-ից՝ «Զայն օրինացը», 19-ից՝ «Արցախյան շաբաթը» ու «Արցախյականը», 24-ին՝ «Գոյամարտոր», 26-ին՝ «Վարաժնումիջը»... Եվ այդպես վերջին երկու տարում՝ շուրջ 110 նոր պարբերական...»

1990-ին գրաքննությունը շարունակում էր գործել, բայց նրա հսկողությունն այլևս ձևական բնույթ էր կրում[39]։ ՀԽՍՀ Գև մայիսի և տեղական խորհուրդների հոկտեմբերի ընտրություններում ՀՀ-ն և իր դաշնակիցները հաղթեցին, Սփյուռքից Հայաստան վերադարձան ավանդական երեք կուսակցությունները, որոնցից ՌԱԿ-ն ու ՀՅԴ-ն լրջորեն ծեռնամուխ եղան իրենց կազմակերպական կառույցի ստեղծման ու նոր տիպի մամուլի հրատարակության։ ՀՅԴ-ն 1991-ի մարտի 8-ից հրատարակեց ազգային-հասարակական, քաղաքական «Ազատամարտ» թերթը, որի միջոցով, փաստորեն, 70 տարվա տարագրությունից հետո հայրենիքում իր ներկայությունը վերահստատեց դաշնակցական մամուլը։ 16 էջանոց (+ 8 էջ հավելված) թերթն աչքի էր ընկնում վերյուժական նյութերով, անհովումներով, լուսանկարների ու ընդհանրապես՝ ֆոտոռեպորտաժների առատությամբ։ Մուշեղ Միքայելյանի խմբագրած թերթն առաջ էր տանում երկու ուղղություն՝ Հայ Դատ, որն անշեղորեն կապում էր Դաշնակցության հետ և դարաբաղյան շարժում։ Իսկ նոյն թվականի օգոստոսի 27-ից լույս տեսակ ՀՅԴ Հայաստանի Գերագույն մարմնի «Երկիր» պաշտոնաթերթը։ Դարաբաղի մասին լուրերը միշտ «Երկիր» թերթի առաջին էջում էին։ Իր գործունեության հենց սկզբից «Երկիր» թերթի հրապարակումները առանձնացան պարզությամբ և անմիջականությամբ[40], ինչը նորություն էր հայաստանյան մամուլի համար։ Ավելին՝ «Երկիր»-ը լրատվական բառարանը համարեց նոր բառերով։ Դրանցից ամենահայտնին ազատամարտիկն էր[41] (պայքարի ելած հայորդիներին թերթը ազատամարտիկ կոչեց)։

ՌՈԱԿ-ը լույս ընծայեց «Ազգ» պաշտոնաթերթը (8 էջանոց, համակարգչային շարվածքով եռօրյա թերթի խմբագիրը Հակոբ Ավետիքյանն էր), որն իր գլխավոր խնդիրներից մեկը համարում էր հայոց պետականության ամրապնդումը և նրան սատար

## ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

կանգնելը[42]: Թերթն աչքի էր ընկնում նյութերի բազմազանությամբ, այն պատմում էր Արցախի մասին, տեղեկատվություն հաղորդում Սփյուռքից, ներկայացնում հայ գաղթօջախների կյանքը[43]: Հիմնականում հենց «Ազգ» թերթի գործունեությամբ դրվեց տեղեկատվական լրատվության սկիզբը: Ընթերցողական շուկան սկսեց հագենալ և, փաստորեն, ընթերցողն ընտրելու հնարավորություն ստացավ[44]:

Ազատ մամուլի տպարանային մեծաքանակ բազմացումն ու ազատ վաճառքը համանան պայմաններ ստեղծեցին պաշտոնական-կոմունիստական և ազատ-այլընտրանքային պարբերականների մրցակցության համար: Այդ մրցակցությունից հաղթական դուրս եկավ ազատ մամուլը: Աստիճանաբար փոխվեց գաղափարախոսությունը, և, բնական է, մամուլը նույնպես փորձեց դուրս գալ խորհրդային կոչվող կաղապարից:

1991թ-ի հենց սկզբից մամուլը սկսեց աչքի ընկնել օպերատիվությամբ: Բացի այդ՝ մամուլում հայտնվեցին նաև քաղաքական բավական խորը վերլուծություններ, կոչտ տեսակետներ իրավիճակի մասին:

Զնայած մամուլի՝ խորհրդային կապանքներից ազատվելու փորձերին ու լրագրության դասական սկզբունքներին որոշակի առումներով մոտենալու ծգոտումներին՝ խնդիրները շատ էին, պայմանները՝ ոչ բարենպաստ, քաղաքական իրավիճակը՝ անկայուն, լրագրողներն էլ՝ անպատճառ: Այդուհանդերձ, մամուլն ու լրագրողները դժվարություններ էին հաղթահարում, լուծումներ որոնում ստեղծված իրավիճակում: Թեև անկախ այն բանից, թե հաղորդվող տեղեկատվությունն ընդգրկում է ավելի շատ օբյեկտիվ կամ սուբյեկտիվ տարրեր, միևնույն է այն հասարակական կարծիք է ծնավորում և հսկայական ազդեցություն ունի լսարանի վրա: Այդ առումով 1988թ. փետրվարի սկզբին ԼՂԻՄ-ի մասին հասարակական կարծիքի ծևավորման կառուցվածքը հիմնված էր 4 բաղկացուցիչների՝ ԼՂԻՄ-ի, Աղրթեղանի, ԽԱՀՄ-ի և այսպես կոչված «դրսի աշխարհի» զանգվածային լրատվամիջոցների վրա: Ընդ որում՝ ինքնավարության մասին նրա սահմաններից դուրս հասարակական կարծիքի ծևավորման առումով ԼՂԻՄ-ը հանդես էր գալիս իրեն լրատվության ազդեցության օբյեկտ, Աղրթեղանը՝ բացառապես լրատվության ազդեցության սուբյեկտ, այն դեպքում, երբ խորհրդային Սիությունը և «դրսի աշխարհը» միաժամանակ և որպես լրատվության ազդեցության սուբյեկտ, և որպես լրատվության ազդեցության օբյեկտ: Սակայն ԼՂԻՄ-ի մասին հասարակական կարծիքի ծևավորման կառուցում հենակետի գործառույթն իրականացնողը, այնուամենայնիվ, Աղրթեղանն էր: Նման իրավիճակը պետք է դիտել որպես հայկական ինքնավար կազմավորման լրատվական շրջափակում[45]: Աղրթեղանական ԽԱՀ-ի կազմում նրա գոնվելու տարիներին, շրջափակում, որն իր հերթին դարձավ իրական ինքնորշչման համար Լեռնային Պարաբաղի ժողովորդին պայքարի հանած բազմաթիվ դրդապատճառներից մեկը: Իսկ խորհրդային ապատեղեկատվությունն էլ, փաստորեն, հանդիսացավ նախադրյալ ազատ մամուլի ստեղծման համար:

## ԾԱՆՈԹԱԳՐՈՒԹՅՈՒՆՆԵՐ

1. Винер Н. Человеческое использование человеческих существ: Кибернетика и общество, С.-Петербург, 2001., стр. 96
2. Брусицин Н. А. Информационная война и безопасность, М., 2001, с. 27-29.
3. Стрельцов А.А. Содержание понятия "обеспечение информационной безопасности", Информационное общество, 2001, вып. 4, с. 10-16.
4. <sup>1</sup> «Հ տեղեկատվական անվտանգության հայեցակարգ: Հավելված Հ Նախագահի 2009թ. հունիսի 26-ի ՆԿ-97-Ն կարգադրության:

## ՄԵԽՐՈԴ ՄԱՀԾՏՎԻ ՀԱՍԱՍԱՐԱՆԻ ԼՐԱՏՈՒ 2018

5. “Московские новости”, 1988г. № 14:
6. «Հայրենիքի ձայն», օգոստոսի 24, 1988թ., Եր.:  
7. «Անկախություն», շթերթ, 7 մարտի, 1988թ., Եր.:  
8. Նույն տեղում:  
9. «Սովետական Պարաբաղ», 15 մարտի, 1988թ., Ստեփ.:  
10. «Անկախություն», շթերթ, 21 մարտի, 1988թ., Եր.:  
11. Նույն տեղում:  
12. Նույն տեղում: Արտատպությունը «Պրավդա»-ից, 4 ապրիլի, 1988թ., Մոսկվա:  
13. «Կոմսոմոլց», 13 հոկտեմբերի, էջ 2, 1988, Մոսկվա:  
14. «Ոզնի», նոյեմբեր N 22, 1988թ., Եր.:  
15. «ԵՊՀ-ն արցախյան գոյանարտուն», Եր., 2011, էջ 80:  
16. Նույն տեղում, էջ 85:  
17. «Գրական թերթ», 17 հունիսի, 1988թ., Եր.:  
18. «Անկախություն» շթերթ, 28 սեպտեմբերի, 1988թ., Եր.:  
19. «Գարուն», N 6, N 12, 1988թ., Եր.:  
20. «Երեկոյան Երևան», 11 նոյեմբերի, 1988թ., Եր.:  
21. «Երեկոյան Երևան» 28 օգոստոսի, 1989թ., Եր.:  
22. «Երևանի համալսարան», 19 նոյեմբերի, 1988թ., Եր.:  
23. Տես՝ Եազրեան Գ., «Հայաստանի 1985-1991թթ. պարբերական մամուլը», Անթիլիաս 2004, էջ 72:  
24. «Խորհրդային Հայաստան», 22 սեպտեմբերի, 1989թ., Եր.:  
25. Նույն տեղում, 21 սեպտեմբերի, 1989թ., Եր.:  
26. «Երեկոյան Երևան», 25 հունվարի, 1990թ., Եր.:  
27. Նույն տեղում, 26 հունվարի, 1990թ., Եր.:  
28. Նույն տեղում, 5 նարտի, 1990թ., Եր.:  
29. «Մունետիկ», 27 մայիսի, 1990թ., Եր.:  
30. Տես՝ Հայրապետյան Ն. «Մատենագիտություն նորանուն հայկական պարբերական մամուլի 1987-1996թթ.», Եր., 1999, էջ 101:  
31. «Մունետիկ», 8 հուլիսի, 1990թ., Եր.:  
32. Նույն տեղում, 1 հուլիսի, 1990թ., Եր.:  
33. «Երեկոյան Երևան», 28 օգոստոսի, 1990թ., Եր.:  
34. «Խորհրդային Հայաստան», 25 օգոստոսի, 1990թ., Եր.:  
35. «Հայաստան», 28 օգոստոսի, 1990թ., Եր.:  
36. «Հայաստանի Հանրապետություն», 9 հոկտեմբերի, 1990թ., Եր.:  
37. Նույն տեղում, 6 հունվարի, 1991թ., Եր.:  
38. «Երեկոյան Երևան», 5 հոկտեմբերի, 1990թ., Եր.:  
39. Հայրապետյան Ն. «Մատենագիտություն նորանուն հայկական պարբերական մամուլի 1987-1996թթ.», Եր., 1999, էջ 102:  
40. «Երևիդ», 3 սեպտեմբերի, 1991թ., Եր.:  
41. Նույն տեղում, 17 սեպտեմբերի, 1991թ., Եր.:  
42. «Հայաստանի Հանրապետություն», 19 փետրվարի, 1991թ., Եր.:  
43. «Ազգ», 23 փետրվարի, 1991թ., Երևան:  
44. Հայրապետյան Ն. «Մատենագիտություն նորանուն հայկական պարբերական մամուլի 1987-1996թթ.», Եր., 1999, էջ 12:  
45. Տես՝ Ալ. Գրիգորյանի «Ղարաբաղյան հիմնահարցը՝ հակամարտող և 3-րդ կողմերի ՁԱՄ-ներում» գրքում հրապարակված գծապատկերը, Եր., 1999:

## ԱՄՓՈՓԱԳԻՐ

Տեղեկատվական միջավայրի փոխակերպումները և հայաստանյան մամուլի հիմնախնդիրները ղարաբաղյան շարժման համատեքստում (1988-1991թթ.)  
Աննա Մկրտիչյան

Ղարաբաղյան շարժման տարիներին տեղեկատվության ձեռքբերման, առավել ևս տարածման ազատությունը խիստ սահմանափակված էր: Այդ անկայուն ժամանակաշրջանում մամուլն ի գորու չէր լիարժեքորեն իրականացնելու իրեն վերապահված գործառույթները: 1988-1991թթ. հայաստանյան մամուլի հրապարակումների ուսումնավիրությունը թույլ է տալիս վեր հանել այն բազմաթիվ մտահոգությունները, որոնք առկա էին տեղեկատվական միջավայրում և հենց մամուլի գործունեության մեջ՝ սկսած վստահության ճգնաժամի մթնոլորտի ծևավորումից մինչև տպագրական խնդիրներ, տարածման դժվարություններ: Այդուհանդերձ, մամուլն ու լրագրողները դժվարություններ էին հաղթահարում, լուծումներ որոնում ստեղծված իրավիճակում: Այդ ձանապարհը նաև նախադրյալ հանդիսացավ ազատ մամուլի ստեղծման համար:

## РЕЗЮМЕ

Трансформация информационной среды и проблемы армянской прессы  
в контексте Карабахского движения (1988-1991)

Анна Мкртичян

**Ключевые слова:** информация, информационная безопасность, информационная среда, кризис доверия, армянская пресса, Карабахское движение, общественное мнение, советская дезинформация.

Во время Карабахского движения свобода доступа к информации и, более того, свобода распространения были строго ограничены. В течение этого нестабильного периода пресса не смогла полностью выполнить функции, которые она имела. 1988-1991 гг. изучение публикации прессы в Армении позволяет нам выявить многие проблемы, которые существовали в информационной среде и в деятельности прессы – от формирования атмосферы кризиса доверия до проблемы печати и трудности распространения. Тем не менее, пресса и журналисты преодолевали трудности и находили решение в этой ситуации. Этот путь был предпосылкой для создания свободной прессы.

## SUMMARY

The transformation of the information environment and the issues of the Armenian press  
in the context of the Karabakh movement (1988-1991)

Anna Mkrtichyan

**Keywords:** information, information security, information environment, confidence crisis, Armenian press, the Karabakh movement, public opinion, Soviet disinformation.

During the Karabakh Movement, the freedom of access to information and, moreover, freedom of distribution was strictly limited. During that unstable period, the press was unable to fully perform its functions. The study of the articles in the Armenian press from 1988 to 1991 allows us to present a number of issues existing in the information environment and in the media, from the formation of an atmosphere of confidence crisis to printing problems and difficulties of distribution. Nevertheless, press and reporters tried to overcome difficulties and look for solutions in the current situation. This road was also a prerequisite for the creation of free media.